

Siunnersuummut oqaaseqaatit

Nalinginnaasumik oqaaseqaatit

1. Tunuliaqutaasut aamma siunertaq

Inatsisartut 2020-imi upernaakkut ataatsimiinnerminni oqaluuserisassani immikkoortumi 87-imi aalajangiipput: *”Naalakkersuisut peqquneqassasut inatsisissatut siunnersuummik saqqummiussinissamik, tassuunalu “nipilersornermik aamma filmiliornermik inuussutissarsiutit “ § 2, imm. 1-imi ilanngunneqassallutik, nunami inuussutissarsiutinut tapiissuteqartarnermut, taamalu erseqqissarneqarluni nipilersornermik inuussutissarsiutit aamma filmiliornermik inuussutissarsiutit inatsisip atortinneqarfigisaani ilaasut, tassuunakkullu inuussutissarsiornermi tapiiffigineqarsinnaasut.”*

Siunnersuut saqqummiunneqarpoq tunngavigalugu Inatsisartut aalajangiiffigisassaattut siunnersuut nr. 87, Inatsisartut 2020-imi ataatsimiinnerannut atatillugu saqqummiunneqartoq.

Siunnersuutikkut Inatsisartut inatsisaanni § 2, imm. 1-imi inuussutissarsiutinik siuarsaaneq pillugu oqaasertaliussat allangortinneqarput, imaalillugu ersarissumik taaneqarlutik “nipilersornermik inuussutissarsiutit aamma filmiliornermik inuussutissarsiutit” § 2, imm. 1.-/imi.

Siunnersuutip maannamut ileqquusut allannguuteqartinngilai, aammalu Inatsisartut inatsisaanni allannguneq tassaavoq maannamut periaasiusunik erseqqissaaneq, tassuunalu nipilersornermik inuussutissarsiutit aamma filmiliornermik inuussutissarsiutit ilaalerlutik Inatsisartut inatsisaanni, inuussutissarsiutinik siuarsaanermik suliassaqaarfimmi.

2. Siunnersuummi immikkoortut pingaarnertit

Siunnersuutikkut § 2-mi imm. 1-ip oqaasertaa allannguuteqartinneqarpoq, imaalillugu “nipilersornermik inuussutissarsiutit aamma filmiliornermik inuussutissarsiutit” aalajangersakkami ilanngunneqarlutik. Siunnersuutip allangortinngilai Inatsisartut inatsisaat naaportorlugu inuussutissarsiutinik siuarsaasarnermi maannamut pineqareersut.

§ 2-mi imm. 1-imi oqaasertanik allannguuteqartitsineq taamaallaat nassuiaaneruvoq erseqqissaanerullunilu Inatsisartut inatsisaat naaportorlugu maannamut inuussutissarsiutinik siuarsaasarnerp atortinneqarfigisaanik, taamaasillunilu filmiliornermik aammalu nipilersornermik inuussutissarsiutit ammaanneqarlutik tapiiffigineqarsinnaanermik qinnuteqarsinnaanermik aqqissuussinerit assigiinngitsut tunngavigalugit.

Tapiissutissanik tunniussisoqartarnera nipilersornermik inuussutissarsiutinut aamma filmiliornermi inuussutissarsiutinut Inatsisartut inuussutissarsiutinik siuarsaanissamut inatsisaat naapertorlugu, suli pisassaaq inuussutissarsiutinut tamanut atugassarititaasut atuuttut naapertorlugit, Inatsisartut inuussutissarsiutinik siuarsaasarnermut inatsisaat naapertorlugu tapiiffigineqarsinnaassagaanni.

Maannamut ileqquusut naapertorlugit nipilersornermik inuussutissarsiutit aamma filmiliornermik inuussutissarsiutit ilaareersimapput Inatsisartut inatsisaat naapertorlugu inuussutissarsiutinik siuarsaasarnep atortinneqarfigisaanut, tassami nipilersornermik inuussutissarsiutit aamma filmiliornermik inuussutissarsiutit ilaareermata “misigisassarsiortitsilluni inuussutissarsiutini”, § 2, imm. 1-imi pineqartuni.

Inuussutissarsiutinik siuarsaanissamut Inatsisartut inatsisaat naapertorlugu tapiiffigineqarsinnaanermut piumasaqaataavoq suliniutip inuussutissarsiornermik siunnerfeqarnissaa, kiisalu piffissami sivisunerusumi aningaasarsiornikkut sinneqartooruteqarluni ingerlatsinissamik siunnerfeqarneq.

Pisumi namminermi naliliinermik tunngaveqartumik assersuutigalugu periarfissaqassaaq tapiiffigineqarsinnaanissaaq nipilersukkanik saqqummersitsinerup ussasaarutigineqarnissaanut, suliniut inuussutissarsiutit siunertaqarpat.

Kisiannili tapiissuteqartoqarsinnaanngilaq suliniutinut ataasiakkaanut, assersuutigalugu tapersersuiniarluni tusarnaartitsinernut imaluunniit assigisaannut, suliffeqarfiup sinneqartooruteqarnissaanik siunnerfeqanngitsunut.

3. Aningaasaqarnikkut aamma allaffissornikkut pisortanut kingunerisassai

Nalilerneqanngilaq siunnersuut aningaasaqarnikkut imaluunniit allaffissornikkut pisortanut kinguneqartussatut, siunnersuut taamaallaat Inatsisartut inatsisaata atuuffigisaanik erseqqissaanerummat aammalu maannamut ileqquusunik allannortitsinerunngimmat, matumuunalu nipilersornermik inuussutissarsiorneq aamma filmiliornermik inuussutissarsiorneq Inatsisartut inatsisaanni pineqartuni ilaalerlutik.

4. Aningaasaqarnikkut aamma allaffissornikkut inuussutissarsiortunut kingunerisassai

Nalilerneqanngilaq siunnersuut aningaasaqarnikkut imaluunniit allaffissornikkut inuussutissarsiortunut kinguneqartussatut, tassami siunnersuummi taamaallaat erseqqissaasoqarmat Inatsisartut inatsisaata atuuffigisaanik, aammalu maannamut periaasiusunik allannortitsinerunngimmat, taamalu nipilersornermik inuussutissarsiutit aamma filmiliornermik inuussutissarsiutit Inatsisartut inatsisaanni pineqartunut ilaalerlutik.

5. Avatangiisinut, pinngortitamut aamma innuttaasut peqqissusiannut kingunerisassai

Nalilerneqanngilaq siunnersuut avatangiisinut, pinngortitamut imaluunniit innuttaasut peqqissusiannut kinguneqartussatut.

6. Innuttaasunut kingunerisassai

Nalilerneqanngilaq siunnersuut innuttaasunut kinguneqartussatut, eqqaassanngikkaanni erseqqissaateqarneq manna immaqa ersarinnerulersitsissasoq nipilersornermik inuussutissarsiortut aamma filmiliornermik inuussutissarsiortut Inatsisartut inatsisaata atuuffigisaani ilaasut.

7. Allatigut pingaarutilinnik kingunerisassai

Nalilerneqanngilaq siunnersuut allatigut pingaarutilinnik kinguneqartussatut.

8. Pisortanik aamma kattuffinnik allanillu tusarniaaneq

Siunnersuut tamanut ammasumik tusarniaassutigineqarsimavoq Namminersorlutik Oqartussat tusarniaasarnermut quppersagaanni piffissami 19. november 2020-imiit 30. december 2020-imut.

Siunnersuut illup iluani Naalakkersuisoqarfiit akornanni tusarniaassutigineqarsimavoq piffissami 1. december 2020-imiit 5. januar 2021-imut.

Tusarniaaneq pillugu ilanngussaq 2 innersuunneqassaaq.

Siunnersuummi immikkoortunut ataasiakkaanut oqaaseqaatit

§ 1 -imut

Nr. 1-imut

Innersuunneqarput nalunaarsukkat siuliani imm. 2-mi, *siunnersuummi immikkoortut pingaarnerit.*

Siunnersuutikkut § 2, imm. 1-imi oqaasertaq allannguuteqartinneqarpoq, imaalillugu “nipilersornermik inuussutissarsiortut aamma filmiliornermik inuussutissarsiortut” aalajangersakkami ersarissumik eqqaaneqarlutik. Siunnersuut allannguinnigilaq Inatsisartut inatsisaanni maanna atuuttumi aalajangersakkap inuussutissarsiornikkut siuarsaanermik atuuffigisaanik.

Oqaasertamik allanguineq § 2, imm. 1-imi taamaallaat nassuiaaneruvoq erseqqissaanerullunilu inuussutissarsiutinik siuarsaanermut Inatsisartut inatsisaanni atuuttumi periaasiusunik, tamatumuunalu filmiliornermik inuussutissarsiortut aamma nipilersornermik inuussutissarsiortuit tapiiffigineqarnissamik qinnuteqarsinnaanermik ammaanqarlutik Inatsisartut inatsisaanni aalajangersakkat iluanni.

Maannamut aaqqissuussinerusumi nipilersornermik inuussutissarsiuteqartut aamma filmiliornermik inuussutissarsiuteqartut Inatsisartut inatsisaata atuuffigisaani ilaareerput, tassami nipilersorneq aamma filmiliorneq “misigisassarsiornermik inuussutissarsiutit” § 2, imm. 1-imi pineqartut iluaniimmata.

Nipilersornermik aamma filmiliornermik inuussutissarsiutilinnut Inatsisartut inuussutissarsiutinik siuarsaanermut inatsisaat naapertorlugu tapiissuteqartarnej suli pisartussaavoq atugassarititaasut inuussutissarsiutinut allanut aamma atuuttooreersut iluanni, nunami inuussutissarsiutinik siuarsaaneq pillugu Inatsisartut inatsisaat naapertorlugu.

Inuussutissarsiutinik siuarsaanissamut Inatsisartut inatsisaat naapertorlugu tapiiffigineqarsinnaanermut piumasaqaataavoq suliniutip inuussutissarsiornermik siunnerfeqarnissaa, kiisalu piffissami sivisunerusumi aningaasarsiornikkut sinneqartooruteqarluni ingerlatsinissamik siunnerfeqarneq.

Pisumi namminermi naliliinermik tungaveqartumik assersuutigalugu periarfissaqassaaq tapiiffigineqarsinnaanissaq nipilersukkanik saqqummersitsinerup ussassaarutigineqarnissaanut, suliniut inuussutissarsiutit siunertaqarpat.

Kisiannili tapiissuteqartoqarsinnaanngilaq suliniutinut ataasiakkaanut, assersuutigalugu tapersersuiniarluni tusarnaartitsinernut imaluunniit assigisaannut, suliffeqarfiup sinneqartooruteqarnissaanik siunnerfeqanngitsunut.

§ 2-mut

Siunnersuutigineqarpoq Inatsisartut inatsisaat atortuulissasoq ulloq 1. januar 2022.

Ilanngussat 1

Siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Siunnersuut</i>
	<p style="text-align: center;">§ 1</p> <p>Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-meersumi, allanngortinneqartumi Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarneranik Inatsisartut inatsisaat nr. 4, 3. juni 2016-imeersumi aamma Inatsisartut inatsisaanni nr. 27, ulloq 17. november 2017-imeersumi imaattunik allannguuteqartitsisoqassaaq:</p>
<p>§ 2 Inatsisartut inatsisaat nunami inuussutissarsiutinut tapiissuteqarnernut atuuppoq. Nunami inuussutissarsiutinut ilaapput kiffartuussinerup, takornariartitsinerup, suliffissuaqarnerup, niuernerup, akunnittarfeqarnerup, IT-lerinerup, misigisassarsiorititsilluni inuussutissarsiornerup assigisaasalu iluanni suliffeqarfiit ingerlatallu allat.</p>	<p>I. § 2, imm. 1, imatut oqaasertalerneqassaaq: ”Inatsisartut inatsisaanni ilaapput nunami inuussutissarsiutinut tapiissuteqartarnek. Nunami inuussutissarsiutini ilaapput suliffeqarfiit aamma ingerlatsisarnerit kiffartuussinernik, takornariartitsinernik, suliffissuaqarnermik, niuernermik, akunnittarfeqarnermik, IT-mik, misigisassarsiorititsisarnermik, nipilersornermik inuussutissarsiutit, filmiliornermik inuussutissarsiutit allallu.”</p>
	<p style="text-align: center;">§ 2</p> <p>Inatsisartut inatsisaat atortuulissaaq ulloq 1. juli 2021.</p>

Ilanngussat 2

Tusarniaaneq

Siunnersuut tusarniarneqartussanut tulliuttunut tusarniaassutigineqarsimavoq:

- Naalackersuisoqarfinnut tamanut
- Kommunit
- Sulisitsisunut
- Nusuka
- Greenland Business-imut
- Inuit Nunaanni Nipilersortartut Kattuffiat
- Kalaallit Nunaanni filmiortartut peqatigiiffiat
- Tusagassiuinermi Sulisut Peqatigiiffiat

Tusarniaanermi akissutaasut pisariaqarnera naapertorlugu ilanngunneqartarput.

Taamaallaat siunnersuummut atatillugu tusarniaanermi akissummik ataatsimik tigusaqartoqarpoq. Tusarniaanermut akissut Naalackersuisut Siulittaasuata Naalackersuisoqarfianit nassiusaavoq.

Naalackersuisut Siulittaasuata Naalackersuisoqarfianiit siunnersuutigineqartoq inatsisissamut siunnersuummut oqaaseqaatini ilanngunneqarpoq.